

ŠEŠELJ SE BRZO OPORAVLJA

Author: IWPR
ICTY

Piše: Merdijana Sadović iz Sarajeva (TU br. 484, 12. januar 2007.)

Vojislav Šešelj se pismenim putem obratio haškim sudijama, obavijestivši ih da se „brzo oporavlja“ od štrajka glađu koji je trajao 28 dana, ali da ne može reći kada će biti sposoban da prisustvuje suđenju.

U pismu napisanom rukom od 9. januara, Šešelj kaže da „još uvijek vas ne mogu obavijestiti o tačnom datumu kada ću se dovoljno oporaviti da bih se u potpunosti uključio u proces u kojem kao optuženik zastupam samog sebe“.

U štrajk glađu Šešelj je stupio 10. novembra, nakon što su sudije Tribunala odlučile da mu, protivno njegovim željama, dodijele branioca. Okončao ga je 8. decembra, kada mu je sud ponovo dozvolio da samog sebe zastupa na predstojećem suđenju i ispunio još nekoliko njegovih zahtjeva.

Tokom protesta je smršao barem 25 kilograma, a doktori tvrde da će mu za oporavak biti potrebna tri do četiri mjeseca.

Međutim, Šešelj je rekao i da će suđenje možda morati biti odloženo i na duži rok. „Trebalo imati na umu da će mi biti neophodno i dodatno vrijeme za intenzivne pripreme sa mojim pravnim savjetnicima“, kaže on.

Merdijana Sadović je voditeljica programa za Haški tribunal IWPR-a.

Focus: Medunarodni krivični sud za bivšu Jugoslaviju

Source URL: <https://iwpr.net/sr/global-voices/seselj-se-brzo-oporavlja>